

starogradski

OPJINA STARI GRAD
SARAJEVO



MUNICIPALITY STARI
GRAD SARAJEVO

haber

BESPLATAN PRIMJERAK • mart 2011. broj 9.

- Eko rasvjeta u Starom Gradu
- Počela rekonstrukcija Sarača

Kvadrant XII izgradnja pri kraju



- 2-3 Eko rasvjeta
- 4 "Sarajevska kocka" proslavila prvi rođendan
- 5 Općina Stari Grad na sajmu "NEXPO 2010."
- 8 Rekonstrukcija puta Faletići - Višegradska kapija
- 10-11 Intervju: prof.dr. Rizah Avdić predsjedavajući Općinskog vijeća
- 12 Općine Stari Grad i Istočni Stari Grad zajedno saniraju put Zlatište - Širokača
- 13 Rekonstrukcija ulice Sarači
- 15 Stanovnici Sedrenika konačno dobili vodu
- 19 1001 starogradski biser: „Sarajevska Baščaršija“



Impressum

Izdavač: Općina Stari Grad Sarajevo
Tiraž: 2.000
Pripremili: Almedina Porča
Alma Imamović
Alija Ibrović
Džavid Katica
Selma Velić
DTP: Safet Mališević
Štampa: DES d.o.o. Sarajevo
Adresa: Zelenih beretki br. 4
71000 Sarajevo
web: www.starigrad.ba
e-mail: info@starigrad.ba
Tel./fax: +387 33 282 385
+387 33 217 916

Svečanosti

EKO RASVJETA prvi put u Starom Gradu



Načelnik Hažibajrić i Jürgen Behrend sa prevodiocem

Prva rasvjeta takve vrste u Sarajevu postavljena na platou ispred Općine i Trgu Oslobođenja • Led rasvjeta će krasiti i Kvadrant XII • Vijek trajanja više od dvanaest godina

Nova ulična rasvjeta Eco StreetLine, prva takve vrste u Sarajevu, 9. marta, 2011. godine svečano je puštena u rad na platou ispred Općine Stari Grad i na Trgu Oslobođenja - Alija Izetbegović. Prema riječima Ibrahima Hadžibajrića, načelnika Općine Stari Grad Sarajevo, riječ je o rasvjeti koja za oko 70 posto štedi električnu energiju i ima garanciju

15 godina. Ovu rasvjetu proizvela je firma Bekto-Precisa d.o.o. iz Goražda koja radi u kooperaciji s njemačkom kompanijom Hella KGaA, Hueck & Co. iz Lippstadta.

Na općinskom platou postavljeno je 16 ovakvih svjetiljki, a na Trgu njih 20.

„Ovaj događaj višestruko je značajan zbog čega pozivam organe svih nivoa vlasti na saradnju kako bi projekat bio realiziran i u drugim dijelovima Sarajeva



Nj.e. Schmidt i Behrend



Načelnik Hadžibajrić se obratio brojnim zvanicama

Prednosti LED rasvjete

Prosječni vijek trajanja LED rasvjete laboratorijski je procijenjen na više od dvanaest godina, dok konvencionalne svjetiljke koje su trenutno u upotrebi traju između dvije i četiri godine. Osim znatno dugoročnijeg trajanja LED rasvjete, značajna je i ušteda u potrošnji električne energije. Također, LED rasvjeta ne privlači insekte zbog specifične boje svjetla i smanjenog otpuštanja topline, tako da nije potrebno njeno održavanje i čišćenje. Sa načelnikom Hadžibajrićem dogovorena je realizacija pilot-projekta, tako da je firma „Bekto Precisa“ poklonila Općini Stari Grad postavljanje nove rasvjete oko zgrade Općine i na Trgu Oslobođenja-Alija Izetbegović.



Svjetiljke na platou Općine

i BiH. To bi bilo od posebnog značaja za firmu Bekto Precisa iz Goražda koja zapošljava 400 radnika s tog područja“, istakao je načelnik Hadžibajrić.

Najavio je kako će ovakva rasvjeta biti postavljena i u okviru realizacije projekata Kvadrant XII i Javne garaže kod Vijećnice.

Vlasnik firme Hella KG Jurgen Behrend istaknuo je značaj saradnje s firmom iz Goražda u ekonomskom i ekološkom smislu s nadom da će u budućnosti biti još kvalitetnija.

Svečanosti su prisustvovali i ambasador Njemačke u BiH Joackim Schmidt,

direktorica Bekto Precise Enisa Bekto, potpredsjednik FBIH Mirsad Kebo, premijer Vlade Kantona Sarajevo Fikret Musić, načelnik Općine Goražde Muhamed Ramović, predstavnici Gradske uprave, te načelnici i predstavnici Općina Kantona Sarajevo.

Načelnik Hadžibajrić, kao znak saradnje i prijateljstva, Behrendu i Schmidt u poklonio je „Sarajevsku kocku“, zvanični suvenir Općine Stari Grad i multimedijalni CD „Dobrodošli u Stari Grad“.

Po završetku ceremonije prisutni su obišli Trg Oslobođenja, a potom se zaputili na koktel upriličen u Hotelu „Evropa“.



Enisa Bekto i Mirsad Kebo

Svečanosti



„SARAJEVSKA KOCKA“

proslavila prvi rođendan

Torta u obliku "Sarajevske kocke", poklon slastičarne "Desert"

Rođendan uz pjesmu, balone, tortu i rođendansku svjećicu • Video prezentacijom fotografija prikazan dugi put koji je "Kocka" prošla u proteklom godini

U Općini je 25. februara održana svečana proslava godišnjice prvog zvaničnog općinskog suvenira, "Sarajevske kocke". Prvom rođendanu "Sarajevske kocke", pored načelnika Ibrahima Hadžibajrića i autora Aida Rifatbegovića, prisustvovali su i vijećnici OV Stari Grad, pomoćnici i savjetnici načelnika, gosti i brojni predstavnici medija.

S obzirom da je Aid Rifatbegović, uz "Sarajevski kocku", Općini poklonio i prigodnu pjesmu "Sarajevska stara čaršija" koja upotpunjuje doživljaj ovog suvenira, proslava počela je njegovom izvedbom

"Kocka" obišla svijet

Tokom svečanosti, prisutni su mogli pratiti i video prezentaciju fotografija i video isječaka o Sarajevskoj kocki, te dugi put koji je prošla u proteklom godini obišavši zemlje kao što su: Kina, Italija, Turska, Albanija, Njemačka, Slovenija, Crna Gora, Hrvatska, Kosovo i brojne druge. Svečanost je upotpunjena velikom tortom, replikom "Sarajevske kocke", koju su savršeno izradili u slastičarni "Desert", koja je čak sadržavala iste građevine kao i originalni suvenir.

pomenute pjesme, nakon čega se prisutnima obratio načelnik Hadžibajrić.

"Ovaj suvenir smo izabrali početkom 2010. godine i smatram da je "Sarajevska kocka" na neki način zvanični suvenir cijelog Grada, jer sve do njenog izbora nije postojao nijedan zvanični suvenir u historiji grada. Želim naglasiti da je Općina mnogo uradila na promociji "Kocke", kako učešćem na raznim sajmovima, tako i darivanjem delegacijama koje smo mi posjećivali ili koje su nas posjećivale. Pokazala se kao pravi izbor i vrlo atraktivan i tražen suvenir, naročito među turistima," riječi su načelnika Hadžibajrića.

"Sarajevska kocka" je ponajviše doprinijela afirmaciji njenog autora, kako u našoj zemlji, tako i šire, omogućivši mu nove poslovne kontakte i ponude.

Nakon paljenja rođendanske svjećice, autor je podijelio "Kocke" onima koji su prvi prepoznali njen kvalitet i izabrali je među 100 drugih suvenira, članovima Komisije za izbor suvenira Općine Stari Grad: Diani Salihbegović, Mehmedaliji Huremoviću, Salimu Obraliću i Mufidu Hadžiću. Posebnu zahvalnost Rifatbegović uputio je načelniku Hadžibajriću uručivši mu umjetničku sliku Sebilja okruženog sa dvije ruke koje simboliziraju stare zanatlije sa Bašaršije.



"Sarajevska kocka" u Šangaju



Stranci su oduševljeni

Općina Stari Grad na sajmu "NEXPO 2011"

Zajednički nastup četiri gradske općine i Grada Sarajevo

U organizaciji Saveza općina i gradova FBiH, u saradnji sa Savezom opština i gradova RS i Gradom Sarajevom, u Olimpijskoj dvorani Zetra, 10. i 11. marta, održan je sajam "NEXPO 2011." Općina Stari Grad Sarajevo učestvovala je na pomenutom sajmu na zajedničkom štandu sa općinama: Centar, Novi Grad i Novo Sarajevo, te Gradom Sarajevo. Tim povodom pripremljena je zajednička brošura "NEXPO 2011 – Sarajevo" koja sadržava najznačajnije razvojne i turističke projekte pomenutih općina i Grada, statističke podatke, kao i odgovor na pitanje zašto treba investirati u ove općine. Brošura se mogla dobiti na štandu gdje su, pored toga, sve općine izložile i druge promotivne materijale. Općina Stari Grad je, pored biltena "Starogradski haberi" izložila suvenir "Sarajevsku kocku" uz promo ma-



Zajednički štand četiri gradske općine i Grada Sarajeva



Predstavnici svih općina i Grada na zajedničkom štandu

terijal, multimedijalni CD "Dobrodošli u Stari Grad", promotivni film o Općini i dr... Također, na štandu su izložene vitrine sa eksponatima (rukotvorine i stari zanati), a otvorena je i mogućnost fotografiranja sa pozadinom Sarajeva i izrada razglednice na licu mjesta za sve posjetioce. Pripremljena je i video prezentacija turističkih potencijala koja se mogla pogledati na dva velika LCD-a smještena na štandu.



Info - pult

Pobratimske općine

Na sajmu su učestvovali predstavnici 100 gradova jugoistočne Evrope. Bila je to prilika za ostvarivanje kontakata i poslovnih ponuda. Općina Karpoš iz Makedonije ponudila je Općini Stari Grad bratimljenje, što će, ukoliko prođe proceduru u Općinskom vijeću, biti i relizovano. Inače, štandove na sajmu su imale i naše pobratimske općine Osmangazi i Ulcinj koje su posjetili predstavnici Općine Stari Grad.



Štand turskog grada Bursa

Općinsko vijeće

24. sjednica

Općinskog vijeća

Sjednica Općinskog vijeća Stari Grad, 24. po redu, održana je 30. decembra 2010. godine.

Predloženi Dnevni red usvojen je nakon što je sa nje ga povučena tačka broj 2 „Informacija o aktivnostima Općine Stari Grad Sarajevo u 2010. godini, uz video prezentaciju“ koja je prikazana na godišnjoj press konferenciji održanoj 24. decembra 2010. godine, a prisustvovali su joj i općinski vijećnici. Video prezentacija je obuhvatila najznačajnije projekte općinskih službi realizovanih u tekućoj godini.



Mustafa Lačević

Vijeće je usvojilo i Prijedlog budžeta Općine Stari Grad Sarajevo za 2011. godinu od 17.280.000,00 KM. Naime, predloženi budžet za 2011. godinu bio je 17.275.000,00 KM, koji je uvećan za 5.000,00 KM na prijedlog Komisije za privredni razvoj, zanatstvo i turizam, za učenike koji bi izučavali stare zanate, što je i prihvaćeno od strane načelnika Hadžibajrića.

Najveći dio budžetskih sredstava, kako je naglašeno, čine vlastita sredstva Općine od 12,5 miliona. Osnovnu finansijsku snagu budžeta za 2011. godinu čine vlastita sredstva, među kojima su i prihodi od poreza od 2.5 miliona KM, pojasnio je zamjenik predsjedavajućeg, Mustafa Lačević. Nakon usvajanja Prijedloga budžeta, uslijedilo je i usvajanje Prijedloga Odluke o izvršavanju budžeta Općine Stari Grad Sarajevo za 2011. godinu. Sve ostale tačke dnevnog reda su jednoglasno usvojene.

25. sjednica

Općinskog vijeća

Nakon usvajanja dnevnog reda, sa kojeg su predhodno u dogovoru sa komisijom i predlagračem, povučeni Prijedlog Odluke o dodjeli u zakup poslovnog prostora u ulici Mula Mustafe Bašeskije br. 58 i Prijedlog Odluke o dodjeli u zakup poslovnog prostora u ulici Obala Kulina bana br. 24., 27. januara 2011. godine održana je 25. sjednica Općinskog vijeća



Alija Kamber

Stari Grad. Osim tačke 7. Prijedloga odluke o otpisu nenaplativih potraživanja, koja je odgođena za sljedeću sjednicu Općinskog vijeća, sve ostale su usvojene. Vijećnici su smatrali da im je neophodno i dodatno mišljenje Općinskog pravobranioca o ovoj tematici, da bi se nakon toga mogla donijeti prava odluka.

Na dnevnom redu bila je i tačka „Program rada Načelnika Općine Stari Grad Sarajevo za 2011. godinu“, koja je uz pohvale vijećnika jednoglasno usvojena. Programske aktivnosti Načelnika Općine Stari Grad za 2011. godinu predstavljaju planski akt koji se zasniva na Ustavnim, zakonskim i statutarnim principima, koji od općinskih organa i službi zahtijevaju da upravljaju javnim poslovima, striktno u granicama zakona, te da rade i djeluju u interesu stanovnika Općine i da za to snose punu odgovornost.

Vijeće je usvojilo i Analizu stanja poljoprivredne proizvodnje i mogućnosti razvoja pojedinih oblasti na području Općine Stari Grad, te pohvalilo Službu za privredu na dobro pripremljenoj informaciji.

26. sjednica

Općinskog vijeća

Na 26. sjednici Općinskog vijeća Stari Grad Sarajevo, koja je održana 28. februara 2011. godine, usvojene su sve tačke dnevnog reda, osim što je na zahtjev predlagrača povučen Prijedlog odluke o dodjeli u zakup poslovnog prostora u ulici Hadžiristića br. 2.

Najveće interesovanje na sjednici izazvala je tačka 3. Prijedlog sporazuma o saradnji sa nevladinim/neprofitnim organizacijama Općine Stari Grad Sarajevo. Naime, radi se o Sporazumu između Općinskog vijeća, Općinskog načelnika i nevladinih organizacija (udruženja građana) koje djeluju na području Općine Stari Grad. Cilj sporazuma je da se dugogodišnja podrška u razvoju nevladinog sektora na ovoj teritoriji uredi ovim aktom, a sve u cilju zajedničkih vrijednosti koje ostvaruje nevladin i javni sektor, sa jasnim, efikasnim i transparentnijim procedurama međusobne saradnje i partnerstva. Strane potpisnice ovog sporazuma su saglasne



Selma Velić

da se u međusobnoj saradnji pridržavaju zajedničkih vrijednosti i građanskih inicijativa koje proizilaze iz Evropske povelje o lokalnoj samoupravi, Ustava BiH, Ustava Federacije BiH, Ustava Kantona Sarajevo, Zakona o lokalnoj samoupravi FBiH, Zakona o lokalnoj samoupravi Kantona Sarajevo i Statuta Općine Stari Grad. Predloženi sporazum je usvojen uz par pojašnjenja od strane predlagrača, koja su tražena na zahtjev pojedinih vijećnika. Općinsko vijeće je usvojilo i Izvještaj o finansijskim efektima rada Općinskog pravobranilaštva za 2009. godinu i za period od 01.01. do 31.10.2010. godine, uz zaključak da se za majsku sjednicu Općinskog vijeća uskladi izvještaj Službe za privredu i Općinskog pravobranilaštva. Na 26. Sjednici usvojen je i Prijedlog odluke o otpisu nenaplativih potraživanja, te Informacija o uspjehu i vladanju osnovnih škola u prvom polugodištu školske 2010/2011. godine.

Priča sa naslovne strane

Projekti



Kvadrant XII će biti završen u julu

Ukrovljavanje objekta

Radovi na izgradnji Kvadranta XII, poslovnog centra u srcu Starog Grada, na mjestu nekadašnje tzv „ceker pijace“, ušli su u novu fazu. Naime, radnici firme „Unigradnja“, koja je izvođač radova, završili su izradu krovne konstrukcije, odnosno ukrovljavanje objekta. Radovi koji su predviđeni dinamikom izvođača u narednom periodu su: zidanje fasadnih zidova, pregradnih zidova, grubo i fino malterisanje zidova, izrada podloga, hidroizolacija, stolarski, keramičarski, kamenorezački, podopolagački, molerski, fasaderski i limarski radovi, te vodovodne, kanalizacione, elektro i termotehničke instalacije. S obzirom na probleme koji su nastali

prilikom početka radova na obezbjeđenju građevinske jame, rok za završetak objekta je produžen do 15.07.2011. godine, tako da je realno očekivati da će Kvadrant XII do tada zasjati u punom sjaju.

Podsjećamo, Kvadrant XII će imati spratnost kao i susjedni objekti: prvi, drugi sprat i potkrovlje. U njemu će biti jedan od najvećih supermarketa u Starom Gradu, kao i manji parking, dok će na spratovima prostor biti fleksibilno raspoređen tako da može odgovoriti različitim namjenama. Očekuje se da u objektu bude zaposleno 50-60 ljudi, a vrijednost investicije je cca 3 miliona KM. Investitor je Općina Stari Grad.

Most na Obhodži bit će sagrađen do aprila



Finalni radovi na mostu

Radovi na izgradnji novog armiranobetonskog mosta na Obhodži odvijaju se predviđenom dinamikom. Prema riječima općinskog nadzornog organa Harisa Srne završeno je betoniranje rukohvata na ogradi, skinuta oplata sa kompletnog mosta i luka i završeno čišćenje. Izvode se radovi na okolnom uređenju i hidroizolaciji, te izrada

ivičnjaka i pješačkih staza, koje će se na kraju asfaltirati. Završetak radova planiran je za kraj mjeseca marta ili početak aprila, ukoliko vremenski uslovi i dalje budu povoljni.

Izvođač radova je firma IN d.o.o Sarajevo. Realizaciju projekta u iznosu od cca 200.000,00 KM finansiraju Turska vojna misija u BiH i Općina Stari Grad.

Stambeni objekat na Brusuljama

Sticanjem bolih vremenskih uslova i prolaskom zimskog perioda, nastavljeni su radovi na izgradnji objekta kolektivnog stanovanja na lokalitetu Brusulje. Podsjećamo, riječ je o objektu koji je namijenjen za trajno stambeno zbrinjavanje 9 interno raseljenih porodica iz Starog Grada, čija je gradnja počela u oktobru prošle godine.

Radnici firme „Almi transport“, d.o.o Zenica, koja je izvođač radova, završili su gradnju temeljnih zidova i nasipanje tampona unutar i oko objekta, nakon čega će početi betoniranje podne ploče. Prethodno će biti izvršena sanacija prilaznog lokalnog puta u dužini od cca 100 metara, kako bi se okolnim stanovnicima omogućio neometan pristup njihovim domovima. Ukupna vrijednost investicije je 595.000,00 KM.



Počnje betoniranje podne ploče

Radovi u Velikoj sali

Tekući radovi na održavanju zgrade Općine nastavljaju se i ove godine. U toku je je popravka stolica u Velikoj sali (sala C) gdje se radi zamjena spužve i presvlačenje novim materijalom. Inače, ove stolice nisu mijenjane otkako je izgrađena zgrada Općine, dakle 30-ak godina, i u prilično su lošem stanju. Bit će urađeno 250 stolica, koliko broji Velika sala, a vrijednost investicije je cca 13.000,00 KM. Podsjećamo, prošle godine je u ovoj Sali rađena rekonstrukcija grijnog sistema. Po završetku radova u Sali, početak će radovi na tekućem održavanju na III spratu zgrade Općine.

Matični ured

Prema izvještaju Matičnog ureda Općine Stari Grad Sarajevo za 2010. godinu, na teritoriji općine je u prošloj godini obavljeno 307 vjenčanja, kako u Sali za vjenčanja Općine Stari Grad, tako i na drugim lokacijama na kojim su to građani tražili.

Prema podacima ovog ureda, izdato je 27.529 izvoda iz matičnih knjiga po raznim osnovima (Matična knjiga rođenih, Matična knjiga umrlih, Matična knjiga vjenčanih i Knjiga državljana).

U prošloj godini legalizovan je 42.033 potpis, a ovjereno je 276.591 dokumenata.

Pravna pomoć

U periodu od 01. januara do 31. decembra 2010. godine Općini Stari Grad Sarajevo obratilo se 1907 stanovnika sa zahtjevom za besplatnu pravnu pomoć. Uposlenici Općine su korisnicima pružili uslugu pravne pomoći koja se sastojala od izrade žalbi i prigovora, raznih zahtjeva i izjava, ali i pružanja usmenih pravnih savjeta.

Besplatna pravna pomoć se odnosi na izradu zahtjeva u vezi sa postupcima koji se tiču ostvarivanja i zaštite prava i interesa građana u upravnim postupcima pri općinskim i kantonalnim službama, te izradu različitih vrsta izjava. Ovaj vid pomoći se pruža kategorijama stanovništva koji su u stanju socijalne potrebe, invalidima, borcima, šehidskim i porodicama poginulih boraca, žrtvama rata...

Pružanjem besplatne pravne pomoći doprinosi se jačanju ustavnosti, zakonitosti, te ekonomičnijem ostvarivanju prava i interesa građana, prvenstveno iz djelokruga općinskih službi.

Sloboda pristupa informacijama

U periodu od 01. januara do 31. decembra 2010. godine 1752 građana tražilo je informacije na koje se moglo odgovoriti odmah. Usmene informacije su se odnosile na upite vezano za Odluku Općinskog vijeća, sklapanje braka, upis u matične knjige rođenih i umrlih, izdavanje izvoda iz matičnih knjiga, uslove za zauzimanje javnih površina, gdje se mogu nabaviti potvrde o izdržavanju, stari-novi nazivi ulica, uslovi za izdavanje urbanističke ili građevne dozvole, kao i pitanja vezana za izgradnju infrastrukture na području Općine. Pismeni zahtjevi, njih 468, za uvid u predmete odnosili su se na izdate urbanističke saglasnosti, građevne dozvole, rješenja o tehničkom prijemu objekata, izdata rješenja Službe za imovinsko-pravne poslove i katastar kao i Službe za inspeksijske poslove, ali i na otkup stanova na kojima pravo raspolaganja ima Općina Stari Grad.

Starogradske ulice

Rekonstrukcija puta Faletići - Višegradaska kapija

Ministarstvo za ljudska prava i izbjeglice Bosne i Hercegovine, u okviru projekta za dodjelu pomoći iz oblasti održivog povratka, izdvojilo je sredstva u iznosu od cca 300.000,00 KM za rekonstrukciju dionice puta Faletići-Višegradaska kapija, općina Stari Grad. Naime, Općina Stari Grad je u aprilu prošle godine konkurisala na Javni poziv pomenutog Ministarstva i predložila projekat „Sanacija puta Faletići- Višegradaska kapija“, u namjeri da se stvore infrastrukturni uslovi za brži i održivi povratak stanovništva na području općine Stari Grad Sarajevo- MZ „Mošćanica“.

dužini od 1000m, i III dionica od kasarne Faletići prema objektu Mjesne zajednice u ul.Sarajevskih Gazija u dužini od 190m, dok će IV dionica tek biti definisana.

Općina je krajem prošle godine provela postupak nabavke i izbora izvođača sa kojim je sklopljen Ugovor o početku radova. Radove na rekonstrukciji puta počeo će firma GP „Put“d.o.o. Sarajevo, a vrijednost radova je cca 198.000,00 KM (prve III dionice). U januaru ove godine proveden je postupak nabavke – nastavka radova na rekonstrukciji saobraćajnice Baruthana – Faletići – IV dionica, u vrijednosti od 100.000,00 KM, a najpovoljniji ponuđač



Put Faletići - Višegradaska kapija

Glavni zadatak ovog projekta je izgradnja i sanacija putnog pravca Faletići-Višegradaska kapija: I dionica od objekta džamije do kombi okretnice u Faletićima u dužini od 134m, II dionica od kombi okretnice Faletići do kasarne Faletići u

i ovaj put je bila firma GP „Put“d.o.o. Sarajevo, tako da će oni izvoditi sve radove.

Radovi na rekonstrukciji pomenute saobraćajnice počeo će odmah po završetku procedure i sticanju povoljnih vremenskih uslova

Veći dio stanovništva povratnici

Može se reći da veći dio sadašnjeg stanovništva apliciranog područja Faletići-Višegradaska kapija, lokaliteta Gornjeg i Donjeg Bioska ima status povratnika. Putna infrastruktura i povezanost ovih područja sa centrom grada je loša, te postoji ozbiljna bojazan da sve ono što je do sada učinjeno na polju povratka bude uzaludno, zbog nepostojanja osnovnih uslova za održivi povratak.

Projektom je predviđena izgradnja i sanacija putnog pravca Faletići-Višegradaska kapija na području Općine Stari Grad Sarajevo, MZ „Mošćanica“, koji je trenutno u lošem stanju zbog neadekvatne uređenosti podloge, neregulisanja odvodnje površinskih voda, dotrajlosti asfaltne podloge sa velikim brojem udarnih rupa. Odvijanje saobraćaja motornih vozila, poljoprivrednih mašina i gradskog prevoza je otežano. Oštećenja su na većem dijelu puta i to otežava normalno odvijanje, kako pješakačkog, tako i motornog saobraćaja.

Završen objekat OŠ "Sedrenik"



Novoizgrađena škola na Sedreniku

Objekat osnovne škole na Sedreniku u potpunosti je završen i preostalo je samo još vanjsko uređenje, te u sklopu njega priključci na gasnu mrežu. U toku je izrada izvedbenog projekta vanjskog uređenja škole.

Podsjećamo, osnovna škola na Sedreniku imat će 6 učionica koje su savremeno obojene zelenim i žutim tonovima, dnevni boravak, biblioteku, te fiskulturnu salu koja je u ovom trenutku najveća sala na području Starog Grada.

Osim toga, nova škola ima postavljen video nadzor, uz instaliranih 7

kamera, a komandni pult je smješten u portirnicu iz koje će se vršiti nadzor. Također, završeno je i postavljanje sistema za vatrodjavu i razglas, a montirana je i kotlovnica. U objektu škole se nalaze i nove prostorije namjenjene za MZ "Sedrenik"

Podsjećamo, nakon što je Ministarstvo obrazovanja i nauke Kantona Sarajevo obezbijedilo dodatna sredstva u iznosu od 800.000,00 KM, radovi na izgradnji škole su nastavljeni početkom septembra 2010. godine. Izvođač radova bila je firma "Engra" d.o.o. Zenica.

Srušen ruševni objekat u ul. Iza bašče br. 8

Rušenje stambenog objekta u ulici Iza bašče br.8, koje je počelo 04.marta 2011. godine, završeno je za tri dana. Podsjećamo, Služba za urbanizam Općine Stari Grad je donijela rješenje kojim je utvrđeno da pomenuti objekat zbog fizičke dotrajalosti, elementarnih nepogoda i većih oštećenja ne može dalje služiti svojoj namjeni i kao takav predstavlja opasnost po život i zdravlje ljudi, okolne građevine i saobraćaj. Iz tih razloga, vlasniku objekta naloženo je uklanjanje građevine. S obzirom da vlasnik nije postupio po rješenju donesen je Zaključak o dozvoli izvršenja rješenja prinudnim putem.

Kako se radilo o preduzimanju hitnih mjera u javnom interesu, koje se ne mogu odgađati, te da vlasnik nije izvršio opisanu obavezu, rušenje stambenog objekta obavila je Općina Stari Grad putem

izvođača radova, odnosno KJKP „Rad“ Sarajevo, a na teret vlasnika objekta.

Općinske službe: Urbanizam, Komunalno i investicije, Inspekcija i Civilna zaštita, pratile su realizaciju navedenih radova.



Fotografija prije rušenja

Postavljena zaštitna mreža na Višegradskoj kapiji



Zaštitna mreža na Višegradskoj kapiji

Zaštitna mreža sa utezima, oko zidova Višegradske kapije, postavljena je 14. februara o.g. Zbog povremenog obrušavanja kamenja sa zidova Višegradske kapije, Općina je odlučila sanirati ovu lokaciju jer je predstavljala opasnost za građane i okolne objekte. Radnici firme Klico trans d.o.o. Sarajevo, uradili su privremeno osiguranje i zaštitu zida sa kontrolisanom demontažom nestabilnog kamenja, nabacivanje cementnog šprica, izradu boksova za deponovani kamen, te ugradnju pocinčane putarske mreže sa utezima sa obje strane zida, tj. od Višegradske kapije do saobraćajnice na Ravnim bakijama. Kompletni radovi su se izvodili po uputstvima Zavoda za zaštitu spomenika FBiH i Zavoda za zaštitu kulturno-historijskog i prirodnog naslijeđa Kantona Sarajevo. Realizaciju projekta sa 12.624,30 KM, finansirala je Općina Stari Grad.

Zamijenjeno polomljeno staklo na zgradi Općine

Zamijenjeno je polomljeno je staklo na stepeništu zgrade Općine Stari Grad, na međuspratu, između IV i V sprata. Do štete je došlo kada je ptica (soko) u letu udarila u staklo i slomila ga. Kako se radilo o teško pristupačnom mjestu, Općina je angažovala Adnana Čatića, alpinistu iz kluba ekstremnih sportova „Red point“ koji se opremom za penjanje spustio sa krova zgrade i postavio staklo. Inače, za usluge izrade i ugradnje stakla, Općina je angažovala firmu „Company“ d.o.o. čiji su uposlenici obavili pripreme radove i ugradili staklo, uz Čatićevu asistenciju.

Stari Grad mora biti savremena općina

Sjednice OV su efikasnije, ekspeditivnije • Odnos Vijeća i općinskih službi je dobar • Stari Grad ima svoju dušu u odnosu na druge općine

Prof.dr. Rizah Avdić već drugi mandat uspješno rukovodi Općinskim vijećem Starog Grada. Sedam godina obavlja funkciju predsjedavajućeg Općinskog vijeća i za njegovog mandata doneseno je niz značajnih odluka za građane ove Općine. Prof. Dr. Avdić rođen je u starogradskom naselju Bistričnik 1962. godine. Završio je nekadašnju Osnovnu školu "Moris Moco Salom", današnju OŠ „Edhem Mulabdić“, Prvu gimnaziju, nakon čega je upisao Veterinarski fakultet Univerziteta u Sarajevu gdje je magistrirao i doktorirao. Osim što je predsjedavajući Općinskog vijeća Stari Grad, vanredni je profesor na Veterinarskom fakultetu, te šef Katedre za anatomiju i histologiju sa embriologijom. Dugogodišnji je aktivni član Stranke demokratske akcije.

□ **Već drugi mandat ste predsjedavajući Općinskog vijeća Stari Grad. Možete li uporediti rad prošlog i sadašnjeg saziva Općinskog vijeća?**

Evidentno je da postoje razlike između ova dva mandatna perioda. Za oba saziva mogu reći da su formirana od kvalitetnih vijećnika, ljudi s dobrom biografijom, obrazovanjem, radnim iskustvom. Ono što je najvažnije za oba mandata je da su vijećnici odgovorni i karakterni. Razlika je u broju stranaka koje su formirale raniji i sadašnji saziv Vijeća. U prethodnom mandatu bilo je pet političkih opcija. Imali smo načelnika koji iza sebe nije



Predsjedavajući u radnom ambijentu

imao nijednu političku opciju u Vijeću. U početku je imao nekoliko vijećnika koji su kasnije iščezli, pretvorili se u samostalne. I ovo je karakteristika Općine Stari Grad u tom periodu. Mnogo je lakše raditi, predsjedavati Vijećem s manjim brojem stranaka. Tada su klubovi vijećnika veći, odgovorniji, jači. Ako je klub brojniji onda je odgovorniji i jači prilikom donošenja odluka.

□ **Znači li to da je u ovom mandatu teže raditi?**

Ne mogu reći da mi je teže raditi, ali imam više obaveza. Zahtjevnije je s obzirom na veći broj političkih opcija.

□ **Pravilo je da pred sjednice OV budu**

održane sjednice Kolegija Vijeća. Koliko je Kolegij doprinio efikasnijem radu Vijeća i kakva je generalno njegova uloga?

Kolegij za rad OV jedno od najvažnijih radnih tijela i čine ga predsjedavajući OV, njegov zamjenik i šefovi svih klubova. Sjednice Kolegije prisustvuju načelnik Općine Stari Grad i njegovi najbliži saradnici: šef kabineta ili sekretar organa uprave. Sjednice Kolegija održavaju se najmanje jednom mjesečno, nerijetko i dva ili tri puta, ovisno od potreba. Za mene, kao osobu, Kolegij je glavno savjetodavno tijelo, iako nema savjetodavni karakter. Ima svoju ulogu i funkciju u donošenju bitnih odluka prije vijeća, a jedna od osnovnih je usaglašavanje prijedloga dnevnog reda.

□ **Kako komentarišete prošlogodišnju odluku OV o vijećničkim paušalima, koja je itekako plijenila pažnju medija? Kakvi su rezultati primjene ove odluke?**

Mediji su ovu odluku jako dobro eksploatisali. Shvatam novinare koji traže materijal za objavu, ali ipak mislim da je tome nepotrebno posvećeno previše pažnje. Naši paušali nisu isti kao i paušali parlamentaraca na višim nivoima vlasti. Određeni su zakonom i njihov iznos nije mijenjan od 2005. godine, kada je i utvrđen. Po zakonu pripadaju vijećniku za njegovo izgubljeno vrijeme, uskraćene dnevnice na njegovom radnom mjes-

Sjednice Vijeća nekad i sad

U prošlom mandatu sjednice OV su trajale duže, u prosjeku šest do osam sati. Bilo je zahtjeva za prekidanjem sjednice i njenim nastavkom u drugom periodu, odnosno do dogovora između klubova i pronalaska adekvatnog rješenja. U prošlom mandatu, iako je bio manji broj stranaka, u određenim momentima bilo je i nezgodnih situacija, verbalnih uvreda. Poenta je bila u tome što su klubovi htjeli pokazati svoju jačinu za govornicom i teško su „popuštali“ i jedni i drugi. Dugotrajne sjednice, česti prekidi, ponekad i konflikti, bile su karakteristike prošlog saziva OV, što sad nije slučaj. Sad su sjednice efikasnije, ekspeditivnije i traju, u prosjeku, četiri eventualno pet sati. Razlog tomu su vjerovatno zreliji vijećnici, dobro organizovani vijećnički klubovi. Na klubovima vijećnici zajedno s državnim službenicima, koji su izvorni predlagачi materijala, rješavaju sporna pitanja. Dužina trajanja OV u ovom sazivu rezultat je rada vijećničkih klubova. U pozadini održavanja sjednice OV je niz pripremnih radnji koje se odvijaju prije same sjednice, koja je i vrhunc svega toga.

tu, koje je napustio da bi prisustvovao sjednicama OV. Treba naglasiti i da je ovaj paušal najniži u odnosu na paušale vijećnika u ostalim gradskim općinama. Pošteno je da vijećnik koji radi dobije ovaj paušal, a onaj koji ne radi ostane bez njega. Ovo pravilo do sada kod nas nije bilo riješeno zakonski, našim odlukama. Po sadašnjim pravilima određeno da vijećnik koji ne prisustvuje sjednici iz opravdanih razloga, a svi opravdani razlozi pobrojani su u odluci, dobije umanjeni paušal za 50 odsto. Odluku o umanjenju paušala donosi Mandatno-imunitetska komisija, koja razmatra jesu li razlozi zbog odsustva sa sjednice opravdani ili ne. Od momenta kad je usvojena ova odluka pa do danas tri vijećnika su kažnjena, odnosno umanjeni su im paušali do 50 odsto. Ranije se dešavalo da neki vijećnici pred kraj sjednice napuste salu. Sad ako napusti sjednicu, a nije opravdao izlazak, prekršio je odluku.

□ **Kako, kao osoba koja je na čelu predstavničke vlasti, komentarišete rad općinskih službi i saradnju sa izvršnom vlašću?**

Odnos Vijeća i tih službi je dobar. Ne mogu reći da pomoćnici općinskog načelnika ne reaguju na zahtjev vijećnika. Reaguju, dolaze na komisije, referišu, prema zahtjevima donose određene materijale. Simbioza OV i pomoćnika načelnika je relativno dobra, ali sigurno može biti i bolja. Nikad nismo imali problema u ovoj saradnji. Uvijek smo imali korektan



Tokom intervjuja

□ **Kako ocjenjujete rad Općine Stari Grad u odnosu na ostale gradske općine?**

Kad posmatram Grad Sarajevo sa četiri općine uvijek ga vidim kao okrnjeno Sarajevo. I dalje pamtim Sarajevo s deset općina. Najviše bih volio da je i sada tako. Ovo je po meni vještački stvoreno. Stari Grad u odnosu na sve gradske općine posmatram sa aspekta ponosa. Ponosan sam što sam stanovnik Starog Grada. Često na sastancima sa stranim delegacijama kažem da je Sarajevo nastalo u Starom Gradu. Nemam pravo da poredim rad Općine Stari Grad i drugih općina jer nisam dovoljno upućen u njihova zbivanja. Ne bi bilo korektno da

rezultati na terenu nego kod njih. Uglavnom smo turistička zona, svi dolaze da nas posjete, vide. I sve to održavamo. Sve je to skladno, lijepo, uređeno. Stari Grad ima svoju dušu u odnosu na druge općine. Imam jednu zamjerku za sve općine i Grad u ovom mandatnom periodu. Teče treća godina ovog mandata, a nismo održali nijedan zajednički sastanak Gradskog i svih općinskih vijeća. To je u prošlom mandatu funkcionisalo.

□ **Kako vidite Općinu Stari Grad u budućnosti?**

Stari Grad mora biti savremena općina, ići u korak s vremenom. Mora imati dobre obrazovne institucije, što je sad naša mana. Naše osnovne škole su stare. Treba dosta novca uložiti da škole postanu kvalitetne, da naša djeca imaju kvalitetne učionice, kvalitetna učila. Moramo osavremeniti naše obrazovne institucije, kao i infrastrukturu. Rekonstrukcija infrastrukture zahtijeva puno novca. Moramo imati sposobne ljude koji će održavati i puniti naš budžet. Viši nivoi vlasti moraju imati razumijevanja prema Općini Stari Grad. Moraju nam određivati više novca, jer nemamo fabrika ni prostora za gradnju nebodera, čime bismo mogli održavati blago, naše starine, historiju i našu prošlost. Moramo raditi na tome da u Starom Gradu živi što više mlade populacije. Moramo rješavati stambenu problematiku mladih bračnih parova. Zdravstvene usluge moraju biti na višem nivou. Dom zdravlja Stari Grad mora biti savremena ustanova koja će pružiti brze i efikasne usluge građanima Starog Grada. Na našoj teritoriji trebali bismo da imamo i punkt Hitne pomoći koja će brzo reagovati na pozive građana. Također treba mijenjati zakonske propise i općinama vratiti sva prava koja im i pripadaju. Mislim da će ovo vrlo brzo biti riješeno.



Na jednoj od sjednica Općinskog vijeća

odnos, koji podrazumijeva uvažavanje i poštovanje. Korektan odnos znači da pomoćnici trebaju biti svjesni da su oni ti koji polažu račun OV, a koje opet polaže račun građanima. U suštini oni posredstvom OV polažu račun građanima.

ja komentarišem Centar, Novo Sarajevo, Novi Grad, a ne znam suštinu njihovih zbivanja, rada i potreba. Ali opet vidim neku razliku, da smo mi nekako bolji u odnosu na njih. Ostale općine imaju veće prihode nego mi, a kod nas su vidljiviji

Općina izdvojila 5 000 KM za Staru pravoslavnu crkvu

Općina Stari Grad Sarajevo je budžetom za 2011. godinu planirala sredstva u iznosu od 5.000,00 KM za sanaciju Stare pravoslavne crkve na Baščaršiji. Sredstva su namjenjena sanaciji crkvene zgrade stradale u požaru. Ugovor o dodjeli novih sredstava potpisan je 02. marta o.g. od strane načelnika Ibrahima Hadžibajrića, u ime Općine, i paroha Vanje Jovanovića, u ime Stare pravoslavne crkve.

Prije samog potpisivanja načelnik Hadžibajrić se obratio brojnim medijima, riječima:

Najavili smo da će Općina Stari Grad izdvojiti dodatnih 10.000,00 KM za sanaciju požarom oštećenih prostorija. Pred Novu godinu, uplatili smo iznos od 5.000,00, a evo danas potpisujemo Ugovor za preostalih 5.000,00 KM. Podsjećam Vas da je Općina Stari Grad odmah po izbijanju požara reagovala sa 13.000,00 KM koje su bile potrebne da se izvrši sanacija, tako da naša pomoć do sada iznosi 23.000,00 KM.“

Paroh Vanja Jovanović se zahvalio Općini na izuzetnoj saradnji.

Otvoren Muzej 105. motorizovane brigade

Delegacija Općine Stari Grad Sarajevo u sastavu: načelnik Ibrahim Hadžibajrić, pomoćnik načelnika za boračko-invalidsku zaštitu Sakib Avdibegović i Edin Lepenica, savjetnik predsjedavajućeg Općinskog vijeća Stari Grad Sarajevo, prisustvovala je svečanoj sjednici Općinskog vijeća Centar Sarajevo koja je održana 18.2.2011.g. u Maloj kuli na Grdonju povodom otvaranja Muzeja 105. motorizovane brigade u pomenutom objektu.

Svojim prisustvom na svečanoj sjednici, delegacija Općine Stari Grad Sarajevo iskazala je zahvalnost svim borcima Starog Grada koji su branili opstojnost države Bosne i Hercegovine svojim angažmanom u 105. motorizovanoj brigadi.

Projekti

Općine Stari Grad i Istočni Stari Grad zajedno saniraju put Zlatište - Širokača

Sporazum o sufinansiranju rekonstrukcije postojećeg lokalnog puta na dionici Zlatište – Širokača, između Općine Stari Grad Sarajevo i Opštine Istočni Stari Grad potpisan je 14.marta o.g. Sporazum su, u ime Općina, potpisali načelnici Ibrahim Hadžibajrić i Bojo Gašanović. Istakavši da je ovaj dogovor postignut prije nekoliko mjeseci i da je riječ o saradnji dvije općine iz različitih entiteta, Hadžibajrić je podsjetio da je Općina Stari Grad u toku 2009. godine sanirala polovinu puta iz pravca Hambine carine, a ovaj Sporazum omogućava sanaciju i rekonstrukciju preostalog dijela. Taj dio puta je u jako lošem stanju i nije nikada saniran u postratnom periodu.

jer izuzetne i korektne saradnje između dvije općine različitih entiteta,” riječi su Hadžibajrića.

Vrijednost ove investicije iznosi 58.000,00 KM, od čega će Općina Stari Grad participirati sa 35.000,00 KM, a Opština Istočni Stari Grad sa 23.000,00 KM. Dvije općine međusobno su se sporazumjele da će izbor izvođača radova izvršiti Opština Istočni Stari Grad, a u skladu sa Zakonom o javnim nabavkama. Radovi bi trebali početi po završetku procedure, najvjerovatnije krajem aprila.

Gašanović je izrazio zadovoljstvo jer su Stari Grad i Istočni Stari Grad među prvim općinama koje su uspostavile korektnu i zdravu saradnju.



Načelnici Općina Ibrahim Hadžibajrić i Bojo Gašanović

“Važno je istaći da ovo nije prvi zajednički projekat. U posljednje dvije godine, Općina Stari Grad i Opština Istočni Stari Grad, realizovale su zajedničke projekte uvođenja rasvjete u selu Mešinovići i u Faletićima, te sufinansirali sanaciju dva puta. Želim ovo istaći kao prim-

“ Važno je da pomažemo narodu i ne gledamo gdje je entitetska granica, nego da želimo da taj put koji prolazi kroz i jednu i drugu opštinu bude urađen, da sve što se tiče infrastrukture bude završeno, te da stanovnici osjete poboljšanje životnih uslova u obje opštine,” rekao je Gašanović.

Nova javna rasvjeta u ulici Jarčedoli i OŠ “Saburina“

Postavljena je nova javna rasvjeta u ulici Jarčedoli od broja 50 do kraja ulice, Mjesna zajednica Hrid-Jarčedoli. Naime, u 2010. godini potpisan je Ugovor o izvođenju radova na sanaciji, rekonstrukciji i izgradnji Javne rasvjete na području općine Stari Grad Sarajevo, između Zavoda za izgradnju Kantona Sarajevo, u ime i za račun Općine Stari Grad Sarajevo s jedne, i izvođača „Testingelektro“ d.o.o. Sarajevo s druge strane.

Predmet Ugovora je izvođenje radova

na sanaciji, rekonstrukciji i izgradnji javne rasvjete na području općine Stari Grad Sarajevo. Vrijednost ove investicije iznosila je cca 17.000,00 KM. Javna rasvjeta na zgradi OŠ “Saburina“ u Mjesnoj zajednici Sumbuluša, postavljena je 19. februara 2011. godine. Izvođač radova, firma „Testing-elektro“, postavila je šest rasvjetnih tijela na fasadu zgrade pomenute škole. Ukupna vrijednost ove investicije iznosila je 4.681,57 KM, a finansirala je Općina Stari Grad.

Rekonstrukcija ulice Sarači



Sarači prije početka radova

Ibrahim Hadžibajrić, načelnik Općine Stari Grad Sarajevo i Milan Bralović, predstavnik Konzorcija „Mibral-Neimari“, potpisali su 11. marta Ugovor o rekonstrukciji Ulice Sarači. Vrijednost ovog projekta je 819.000,00 KM, a rekonstrukcija ulice vršit će se na lokaciji od „Slatkog čošeta“ do Bašćaršijskog trga. Rok za završetak radova je 75 kalendarskih dana.

„Rekonstrukcija Ulice Sarači, osim njenog popločavanja, podrazumijeva i zamjenu svih instalacija: vodovodne, elektro, plinske, telefonske i oborinske kanalizacije“, kazao je Hadžibajrić, dodavši da je Općina Stari Grad za ovaj projekat u budžetu obezbijedila 700.000,00 KM.

Uklonjeni požarom oštećeni dijelovi objekta u Malom Ćurčiluku

Općina Stari Grad uklonila je požarom oštećene dijelove ruševnog objekta u Ulici Mali Ćurčiluk br. 23 na Bašćaršiji. Početkom februara izbio je požar u ovom objektu, koji je i ranije bio u ruševnom stanju. Općina je prvobitno naložila uklanjanje nadsrešnice objekta koja je predstavljala opasnost po prolaznike. Nakon toga, angažovana je firma „Klico-trans“ čiji su uposlenici 19. februara o.g. uklonili otpad iz unutrašnjosti objekta, kao i požarom oštećene dijelove, te postavili zaštitne najlone i mreže.

„Grad Sarajevo obezbijedio je 135.000 KM. Riječ je o neutrošenom novcu preostalom od rekonstrukcije ul. Bravadžiluk“, kazao je Hadžibajrić.

Bralović je kazao kako je rekonstrukcija Sarača zahtjevan projekat.

„Prilikom zamjene podzemnih komunalnih instalacija koristit ćemo najkvalitetnije materijale koji su do danas proizvedeni. Tokom rekonstrukcije vodit ćemo računa i da ulica uvijek bude u funkciji“, rekao je Bralović.

Načelnik Hadžibajrić naglasio je kako će s rekonstrukcijom Sarača biti završeno popločavanje 90 odsto starog gradskog jezgra, te najavio i mogućnost popločavanja Bašćaršijskog trga.




Ruševni objekat u Malom Ćurčiluku

Sarači kroz historiju

U vrijeme nastanka Bašćaršije, kada je Isa-beg Ishaković sagradio han i brojne dućane, većina stanovnika je živjela kod Careve džamije koja je bila s druge strane Miljacke, pa je Isa-beg izgradio i most koji je povezivao ovo naselje s ekonomskim centrom grada. Na samom ulazu u Bašćaršiju formirala se čaršija Bazardžana, na zapadnoj strani Kazaza i na sjeveru Sarača-Sedlara (današnja ulica Sarači).

Kako se veliki broj zanatlija udruživao u esnafe, tako se i sama Čaršija dijelila na ulice u kojima bi prevladavale srodne zanatske radnje. Ulice su zbog toga dobile nazive poput: Sarači, Kovači, Kazandžiluk... Prema nekim procjenama u to doba je bilo oko 12. 000 dućana.



Sarači nekada

Godine 1660. Sarajevo je bilo prava metropola i drugi najvažniji grad u Osmanskom carstvu. Dolaskom Austro-Ugarske na ovo područje pojavila se i potreba stranih arhitekata da od Sarajeva naprave evropski grad. To im je pošlo za rukom nakon velikog požara koji je uništio sve osim ovog dijela Čaršije koji i dan danas postoji, tako da i danas, na kraju ulice Ferhadija, počinje granica između starog i "modernog" dijela grada (u narodu je ta granica prepoznatljiva kod "Slatkog čošeta" odakle je su i počeli radovi u pravcu Bašćaršijskog trga).

Ulica Sarači nalazi se u veoma lošem stanju. Prema dostupnim informacijama, posljednji put je rekonstrukcija ulice Sarači izvršena pred početak Olimpijade u Sarajevu, dakle početkom '80-ih godina. Krenuvši od te pretpostavke, Općina Stari Grad pokrenula je rekonstrukciju ove ulice prvi put nakon 30 godina.

Općina nadoknadila štetu porodici Popara



Donacija za kupovinu ovaca

Općina Stari Grad porodici Izeta i Nazime Popara, koji su zatražili pomoć, donirala je novac za kupovinu pet ovaca. Općina im je nadoknadila štetu koju su im počinili psi lutalice kada su krajem prošle godine napali ovnove koji su se nalazili u toru. Imajući u vidu da se radi o porodici koja se bavi poljoprivredom, te da im je uzgoj ovaca jedan od najznačajnijih vidova finansiranja Općina je odlučila izdvojiti 1.400 KM za nadoknadu nastale štete i to iz granta za stimulisanje poljoprivredne proizvodnje.

Pomoć porodici Ramić



Donirana krava

Predstavnici Službe za privredu, u januaru 2011. godine, su u ime Općine, donirali porodici Ramić sa Brusulja kravu. Naime, u augustu 2010. godine, Sead Ramić obratio se Općini Stari Grad za pomoć, s obzirom da je u februaru prošle godine stručnim veterinarskim pregledom konstantovano uginuće krave i pored više intervencija dežurne veterinarske službe. S obzirom da je uginula krava bila jedan od osnovnih izvora finansiranja cijele porodice, Općina je odlučila pomoći pomenu toj porodici.

Obrazovanje

Odbojkaška takmičenja učenika osnovaca iz Starog Grada



Sa takmičenja odbojkašica

U Osnovnoj školi „Vrhbosna“ 19. februara o.g. održano je Općinsko žensko odbojkaško takmičenje šest osnovnih škola iz Starog Grada. Takmičenje je organizovala Općina Stari Grad u saradnji sa Prosvjetno pedagoškim zavodom Kantona Sarajevo i Ministarstvom obrazovanja i nauke.

Prvo mjesto osvojila je ekipa OŠ „Mula Mustafa Bašeskija“, drugo mjesto osvojila je ekipa OŠ „Hamdija Kreševljaković“, dok je treće mjesto

pripalo ekipi OŠ „Edhem Mulabdić“.

Sedam dana kasnije održano je Općinsko muško odbojkaško takmičenje šest osnovnih škola iz Starog Grada. Prvo mjesto osvojila je ekipa OŠ „Mula Mustafa Bašeskija“, drugo OŠ „Edhem Mulabdić“ i treće mjesto ekipa OŠ „Hamdija Kreševljaković“. Turnir je zatvoren dodjelom nagrada i diploma koje je osigurala Općina Stari Grad, a uručio ih je načelnik Općine Ibrahim Hadžibajrić.

Nagrađeni najbolji na takmičenju „Jesenje boje Mošćanice“

U velikoj sali Općine Stari Grad u ponedjeljak (21. februara, o.g.) održana je dodjela priznanja za učenike i profesore osnovnih škola koji su učestvovali u manifestaciji „Jesenje boje Mošćanice“. U novembru prošle godine, Služba za obrazovanje, kulturu i sport Općine Stari Grad je, u saradnji sa profesorima likovne kulture i učenicima - članovima

likovne sekcije u osnovnim školama iz Starog Grada, organizovala manifestaciju „Jesenje boje Mošćanice“ na lokalitetu Savića brdo, iznad Faletića.

Priznanja je uručio načelnik Općine Ibrahim Hadžibajrić, a dobitnici su:

OŠ „Mula Mustafa Bašeskija“ (prof. Senad Begić): Selma Vučijak, Azra Tukić, Armin Poturković i Farah Džanković; OŠ „Edhem Mulabdić“ (prof. Bedro Šeremet): Hatidža Kukuruzović, Ismail Softić i Ermin Tarahija; OŠ „Hamdija Kreševljaković“ (prof. Zekerijah Nalić): Sedika Selimović, Amra Hadžihasanović i Senih Nalić; OŠ „Šejh Muhamed ef. Hadžijamaković“ (prof. Ekrem Čorbo): Nejra Dedić, Nejra Murtić i Ajla Pustahija; OŠ „Vrhbosna“ (prof. Zekerijah Nalić): Amina Musić, Đana Pustahija i Faris Aganović i OŠ „Saburina“ (prof. Mersiha Pirić): Amina Zahiragić, Elma Dženić i Anisa Omerbegović.



Sa dodjele priznanja

Stanovnici dijela naselja Sedrenik konačno dobili vodu

Dio naselja Sedrenik, koje je mahom izgrađeno poslije rata, konačno ima neometano snabdijevanje vodom. Općina je u oktobru prošle godine počela izgradnju Hidroflex stanice Grdonj sa pripadajućom vodovodnom mrežom za oko 60 porodica koje žive u ovom dijelu, a do sada su se vodom snabdijevali iz lokalnog izvora koji nije bio dovoljan, a ni kvalitetan. Prema riječima 72-ogodišnjeg Ismeta Kominlije, pravo je čudo da do sada niko nije obolio koristeći vodu sa izvora u Mrkovićima gdje se kreće i

napaja stoka, a odakle se vodom snabdijevala većina ovih stanovnika. On je još davne 1972. godine proveo vodu sa ovog izvora, tako da nije bio među najugroženijima, Međutim, priznaje da njegove komšije, u brdskom dijelu naselja, nikada nisu imali uredno snabdijevanje. Pritisak vode je bio toliko loš da je gotovo nije ni bilo.

Sa njegovim riječima složio se i komšija Kasim Demir koji tvrdi da komšija čija je kuća iznad njegove obično nije imao vode kada bi on otvorio česmu u svojoj kući, jer je pritisak

Kominlija: Riješene naše muke

“Do sada niko nije imao sluha za naše probleme. Zahvaljujući načelniku Hadžibajriću i ljudima iz “Vodovoda” konačno možemo normalno živjeti i raditi. Iako smo u XXI vijeku, mi nismo imali vode i pravo je čudo da niko nije obolio od onoga što smo pili. Konačno su riješene i naše muke, a nadam se da će nam uskoro biti asfaltiran i put kroz naselje.”



Dio naselja Sedrenik koji je dobio vodu



Ismet Kominlija

bio jako loš. “Sada smo konačno svi zadovoljni. Nema para kojima bi se moglo platiti ovo što je nama urađeno. Hvala i Općini i svim ljudima koji su nam proveli vodu,” kaže Demir.

Radovi na priključenju su završeni sredinom marta 2011. godine. Prema riječima općinskog nadzornog organa, Sejfudina Zimića, postavljeno je 1670 metara distributivne mreže, montirano hidroflex postrojenje i pumpa u rezervoar, te izvršeni priključci 58 domaćinstava na distributivnu mrežu.

Ukupna vrijednost radova je 322.067,53 KM Izvođač radova bilo je KJKP „Vodovod i kanalizacija“ d.o.o. Sarajevo.

Općina podijelila stipendije

U Velikoj sali Općine Stari Grad u srijedu (02. februara) dodijeljene su stipendije djeci demobilisanih boraca, ratnih vojnih invalida, šehidskih, odnosno, porodica palih boraca, koji se redovno školuju u srednjim školama i fakultetima na području Kantona Sarajevo. Načelnik Ibrahim Hadžibajrić, potpisao je Ugovore o dodjeli stipendija sa 114 stipendista, od toga je 57 studenata i 57 učenika srednjih škola.

Stipendije su dodijeljene za školsku 2010/2011. godinu, u iznosu od 120,00 KM za studente i 80,00 KM za učenike srednjih škola.



Sa podjele stipendija u Velikoj sali

Zainteresovani ponuđači obišli buduću „Kuću zanata“



Objekat u ulici M.M.Bašeskije 55

U srijedu, 22. februara o.g. brojni zainteresovani ponuđači zajedno su obišli interijer i eksterijer buduću „Kuću zanata“. Na osnovu trenutnog stanje ponuđači će dostaviti ponude za izradu snimka postojećeg stanja objekta, idejnih rješenja, izvedbenog projekta i izvođenja radova.

Kuća zanata pripada projektu „Razvoj kulturnog turizma u tri partnerska grada – Sarajevo, Mostar i Skoplje“ čiji su institucionalni partneri Kanton Sarajevo, gradovi Sarajevo, Mostar i Skoplje i Općina Stari Grad Sarajevo. Svi su se opredijelili da zajedno rade na tematskoj grupi zaštite i valorizacije kulturne baštine sa turističkog stanovišta.

Objekat u ulici M. M. Bašeskije br. 55 je dodijeljen odlukom Općinskog vijeća Općine Stari Grad Sarajevo za „Kuću zanata“.

Kuća zanata će biti višefunkcionalan objekat koji će sadržavati galeriju sa ruktovorinama, prije svega starih i tradicionalnih zanata, koji će imati umjetničku i upotrebnu vrijednost; zatim suvenirnicu, te pokretne radionice, gdje će turisti i ljubitelji starih zanata moći interaktivno učestvovati u izradi ili upisu imena, inicijala i sl.

Kuća zanata pokrenut će interes oživljavanja starih zanata, a postojeće zanate staviti u izbor onim zanatlijama koji iskažu želju i interes da svoju djelatnost „certificiraju“ kroz zvanične institucije, kako bi bili tipični reprezentivi starogradske čaršije, koji bi, pored ostalog, stvarali široku lepezu proizvoda, koji su prijeko potrebni za zaštitu kulturno-historijskog naslijeđa.

Osuda napada na Katedralu

Predstavnici Međureligijskog vijeća Bosne i Hercegovine, Općine Stari Grad (pomoćnik načelnika Sakib Avdibegović, te savjetnici načelnika Mehmedalija Huremović, Suad Berbić i Ismet Hadžić) i Grada Sarajeva, te predstavnici vjerskih zajednica (pravoslavne, islamske, katoličke i jevrejske) posjetili su u ponedjeljak (28. februara) Katedralu Srca Isusova. Povod posjete bio je obilazak prostorija, u koje su nepoznati počinioci provalili u noći sa 23. na 24. februar 2011. godine. Svi su osudili ovaj vandalski čin s nadom da će u budućnosti zajedničkim naporima obezbijediti bolju zaštitu svih vjerskih zajednica širom BiH, kako se ovakvi događaji ne bi ponavljali.



Zajednička fotografija ispred Katedrale

Prisutnima se obratio i pomoćnik načelnika za boračko-invalidsku zaštitu Sakib Avdić.

„Kao što znate, Općina Stari Grad već decenijama gaji tradiciju međuvjerskog i međunacionalnog zajedništva. Zakonodavna i izvršna vlast Općine Stari Grad izražava žaljenje zbog ovog slučaja. Podržavamo ovakva okupljanja koja osuđuju nasilje, rad organa reda MUP-a i policije, te pravosudnih organa. Svako nedjelo, pa i ono najmanje, treba osuđivati. Sve vjerske zajednice na području Općine znaju da imaju punu podršku od načelnika Općine Ibrahima Hadžibajrića, kao i zakonodavne i izvršne vlasti Općine“, rekao je Avdibegović.

Obilježavanja

Obilježena 17. godišnjica stradanja na Markalama



Položeno cvijeće na Markalama

Povodom obilježavanja 05. februara, Dana sjećanja na sve građane Sarajeva poginule od 1992. do 1995. godine i 17. godišnjice stradanja građana na pijaci Markale, u Narodnom pozorištu u subotu

(05. februara) održana je komemorativna sjednica Skupštine Kantona Sarajeva, Gradskog vijeća i Općinskih vijeća s područja Kantona Sarajevo. Nakon sjednice, brojne delegacije, među kojima i pomoćnici načelnika, savjetnici, općinski vijećnici i uposlenici Općine Stari Grad, te članovi porodica, prijatelji ubijenih Sarajlija i brojni građani, polaganjem cvijeća na spomen obilježje, učenjem Fatihe i minutom šutnje odali su počast svim Sarajlijama stradalim na pijaci Markale.

Toga 5. februara 1994. godine, oko 12.30 sati, s agresorskih položaja na području sela Gornji Mrkovići - Sarajevo ispaljen je minobacački projektil kalibra 120 mm, koji je pao na gradsku pijacu Markale u Sarajevu, usljed čije eksplozije je poginulo 67, a teže i lakše ranjene 142 osobe.

Prikupljanje školskih lektira za OŠ u Vitimirici na Kosovu



Prikupljeno skoro 700 lektira

Na inicijativu Općinskog vijeća Stari Grad (vijećnika Mensura Mirojevića) u februaru je počela akcija prikupljanja školskih lektira za biblioteku u Osnovnoj školi u Vitimirici na Kosovu. Prilikom potpisivanja sporazuma o saradnji između Općine Stari Grad i Općina Kruja i Peć, u decembru prošle godine, delegacija Općine je posjetila Osnovnu školu u Vitimirici – Kosovo. Na 24. sjednici Općinskog vijeća Stari Grad, samostalni vijećnik Mensur Mirojević, predložio je svim vijećnicima da doniraju najmanje po jednu knjigu lektire na bosanskom jeziku (pisanu latiničnim pismom), za potrebe

ove škole.

Mirojević je također iznio inicijativu da se evidentiraju ostale potrebe učenika osnovne škole u Vitimirici – Kosovo, tj. koji su im udžbenici potrebni i iz kojih predmeta, kao i školski pribor, te da se u skladu sa tim iznađe mogućnost za njihovu nabavku i slanje. Do sada je prikupljeno oko 700 knjiga i određeni broj udžbenika, a akcija još traje.

Projekat je podržao i načelnik Hadžibajrić, tako da je u ime Općine već isporučen određeni broj lektira za potrebe biblioteke u Vitimirici. Za ovaj projekat Općina je izdvojila cca 5.000,00 KM.

Prijem i dodjela priznanja za trojicu pripadnika PS Stari Grad



Nagrađeni policajci sa pretpostavljenima i Načelnikom

Općina Stari Grad je i ove godine dodijelila priznanja pripadnicima Policijske stanice Stari Grad za izuzetne rezultate, te iskazanu profesionalnost i hrabrost u radu u 2010. godini. Priznanja je načelnik Ibrahim Hadžibajrić uručio policajcima Admiru Bjelonji, Muameru Žuniću i Dejanu Bariću.

Načelnik Prve Policijske uprave Sarajevo, Fahrudin Halač zahvalio se Općini Stari Grad koja ni ove godine nije zaboravila da nagradi rad policijskih službenika sa izuzetnim rezultatima.

„To su policajci koji su svojim angažmanom najviše doprinijeli u suzbijanju kriminaliteta tj. krivičnih djela, zaštititi ljudi, saobraćaja, javnog reda i mira. Ove nagrade će sigurno biti moti-

vacija i za druge službenike.”, kazao je načelnik Halača.

Istakavši kako će priznanja biti poticaj za još bolji rad u službi, nagrađeni policajci su se zahvalili načelniku Hadžibajriću, kao i strukovnom kadru policijske stanice Stari Grad na čelu sa komandirima, zamjenicima i njegovim pomoćnicima, koji su prepoznali njihov uspjeh i predložili ih za priznanja.

Povodom dugogodišnje uspješne karijere i rada u policiji, posebno priznanje uručeno je bivšem policijskom komandiru PS Stari Grad, Sejfi Šehoviću, koji je početkom ove godine penzionisan. Šehoviću je načelnik Hadžibajrić uručio ručni sat marke “Tisot” sa ugraviranom posvetom.

Nova računarska oprema za PS Stari Grad

Općina Stari Grad Sarajevo donirala je 04. marta 2011. godine, Policijskoj stanici Stari Grad računarsku opremu: 2 personalna računara (HPCompaq), 2 printera (Lexmark E260 dn) i 1 laptop (HP 4520s).

U prostorijama PS Stari Grad, komandiru Mirsadu Hodžiću opremu je uručio načelnik Ibrahim Hadžibajrić rekavši da je ovo ispunjenje ranije datog obećanja.

Primopredaji je prisustvovao i načelnik Prve PU Fahrudin Halač koji se zahvalio načelniku Hadžibajriću na donaciji istakavši da će ovom opremom biti upotunjeno ono što im je najviše trebalo.

“Ovu računarsku opremu koristit će

pripadnici policije koji dolaze sa službe i pišu svoje izvještaje o tome šta su radili tokom dana, kako bi se moglo dalje postupati po tim pitanjima,” istakao je Halač.

Vrijednost donirane računarske opreme iznosi cca 5 000 KM.



Rad na novoj opremi

Sjećanje na Hadži Staku Skenderovu



B o s n a je svoje XIX stoljeće dosta dinamično, pa u nekim trenucima i burno, provela. Vođene su bune, provođene vojne, ekonomske i

druge reforme. To je period „izdisaja“ osmanske vlasti u Bosni. Općenito, društveno-politička situacija je snažno pulsirala, a potpuni preokret započinje s dolaskom Austro-Ugarske koja u svim sferama čovjekovog djelovanja uvodi nove modele i standarde po uzoru na zapadnu Evropu.

Ovo je grubi obris stanja u Bosni u vremenu u kojem je djelovala, naročito u gradu Sarajevu, hadži Staka Skenderova.

Ko je h. Staka Skenderova?

Porodica h. Stake u Sarajevo je doselila iz Prijepolja. Tačna godina rođenja h. Stake nije poznata, iako se najčešće spominje 1830. godina. Za grad Sarajevo, 1858. godina je iznimno važna, jer te godine h. Staka otvara žensku školu u Varoši – pravoslavnoj mahali-četvrti u Sarajevu. Kasnije je ova škola premještena na Bistrik. Zanimljivo je da su djeca osmanskih činovnika, pa i samog Topal Osman-paše, pohađala ovu školu zahvaljujući činjenici da je h. Staka govorila turski jezik. Naravno, ovu školu su pohađala djeca bez obzira na svoju religijsko-konfesionalnu pripadnost – pod jednim krovom jedna škola! Pohađanje škole su plaćala djeca imućnih, a djeca onih koji nisu bili kadri platiti pohađali su školu besplatno.

Aktivnosti u cilju obrazovanja djevojaka nisu bile jedine h. Stakine preokupacije. Ona je bila zapažena u sferi književnosti, jer je poznavamo i kao autoricu Ljetopisa Bosne 1825.-1856. Dakle, h. Staka je, kao kulturni radnik, bila izrazito aktivna i možda jedina žena u to doba koja je ovaj historijski period Bosne i Sarajeva snažno obilježila svojim djelom i imenom.

Spomenimo i 1870. godinu kada je h. Staka otišla u Jerusalim na hadžiluk gdje se i zaredila. To njeno putovanje-hadžiluk svakako da je snažno oblikovalo h. Staku. Nakon hadžiluka i zaređenja njena skromnost i dobroćudnost još je više plijenila pažnju Sarajlija.

Ipak, ova plemenita žena nije uvijek u ovoj sredini nailazila na odobravanje i susretljivost. Mnogi su joj otežavali djelovanje za vrijeme života ili je prešućivali poslije.

Hadži Staka Skenderova umrla je 26. maja 1891. godine nakon što su je teško ranila kola na Ilidži.

Danas, stoljeće i više od h. Stakine smrti, BiH ima tako snažnu potrebu za jednom h. Stakom bar u našem obrazovnom sistemu u kojem se učenici, škole, nastavni planovi i programi dijele na „kruške i jabuke“.

Alija Ibrović
dipl. orientalist

Predstavljamo mjesne zajednice

Bašćaršija

U Arhivi Grada stoji da je Odluka zbora birača o osnivanju Mjesne zajednice Bašćaršija potvrđena 1965. godine kao jedinica lokalne samouprave.


Miljacka je uveliko odredila poziciju i značaj Bašćaršije, s jedne strane, a s druge strane osnivač Sarajeva Isa – beg Ishaković dao joj je osmanskodobni karakter.

Kao što je rijeka Majna dala mogućnost Franku da koristi njen gaz za transport, pored ostalog i krupne stoke, pa je na tom mjestu nikao Frankfurt na Majni, tako je i rijeka Miljacka, po izlasku iz svog kanjona na srednjovjekovnom toponimu Brodac, dala mogućnost prelaska sa jedne na drugu obalu onovremenim vrhbosanskim žiteljima. U srednjem vijeku, a naročito u osmansko vrijeme, sav drveni asortiment sa Romanije se transportovao Miljackom do Brodca, a u osmansko vrijeme do Bendbaše. Ta silna drvena masa koja se sakupljala na Brodca služila je kao ponton za prelazak na



Ulica Kazandžiluk

Carevog mosta. Preko stare Varoši prema Latinluku, Bašćaršija je od kasabe u zlatnom 16. stoljeću prešla u šeher i dobila današnje konture. Sa svojim prvim urbanim izgledom – okružena mahalama i uspostavljenim privrednim, obrazovnim, vjerskim, administrativnim i inim sadržajima, Bašćaršija je



turizma, jednu od rijetkih prednosti u svijetu, a to je da Bašćaršija ne dijeli sudbinu starih jezgri mnogih gradova u odumiranju života u njima. Naime, ona se od dolaska austro-ugarske monarhije stalno bori u istrajavanju



Gazi Husrev-begova dzamija

suprotne obale. Ta vječita težnja čovjeka da pređe bezbjedno na drugu stranu je ostvarena podizanjem Carevog mosta od strane Isa-bega Ishakovića, kojeg su poplave i burna vremena rušili, a ljudski napor podizao nanova ili obnavljao da bi do danas ostale samo njegove kamene stope u Miljacki. One su vidljive poslije bujica, tik ispod današnjeg

bila nukleus, te kao talog minulog rada i djelovanja stoljetnih generacija, nastalo je današnje Sarajevo. Zbog ograničenog prostora u Biltenu ne bi bilo korektno započeti sa nabiranjem kulturno-historijskih objekata, koji su najzastupljeniji iz osmanskog perioda i kao takvi najzapadniji istok u Evropi. Ovdje treba istaći, u cilju razvoja kulturnog

Savjet Mjesne zajednice

1. Enver Pečenković, predsjednik
2. Muhamed Čišić, član
3. Muzafer Nikšić, član
4. Ševala Arnautović, član
5. Sead Sulemanagić, član
6. Virdžina Žubi, član
7. Jasmin Divović, član

Sjedište: Obala Kulina bana 38
Telefon: 033 533 673
Sekretar MZ: Nedim Spahić
e-mail: mz.bascarsija@starigrad.ba

tradicionalnih zanata, koji su izuzetna atraktivnost za radoznale turiste. Zadnja agresija je velikim dijelom promijenila vlasnike ili korisnike dućana – zanatskih radnji koji su masovno prihvatili komercijalizaciju, a radi egzistencije napustili tradicionalnu praksu navodeći širu društvenu zajednicu da se ozbiljnije pozabavi sa ovim trendom.

Uz malo napora i dobronamjernosti može se polučiti rezultat da po dva – tri dućana tj. zanatlije ostanu u svojim esnafima kako bi Bašćaršija bila svjetao primjer u svijetu pulsiranja života i tradicije, koja bi Sarajevo stavila na sami vrh liste svjetskog turizma.

*Alija Ibrović
 dipl. orientalist*

Piše: **Alija Ibrović**, dipl. orijentalist

1001 starogradski biser

Ono što je agora u staroj Grčkoj, forum u starom Rimu, odnosno antičkom Mediteranu, ili pak pijācā (piazza) u Italiji i, općenito ono što nazivamo trgovom u zapadnoevropskim gradovima, a u bosanskom srednjovjekovlju je poznato kao trgovište, to je čaršija na islamskom orijentu-osmanskom orijentu.

Riječ čaršija je perzijskog porijekla, a znači trg ili tržište, odnosno, trgovačka četvrt grada. U našem jeziku (kulturi) egzistira još od XV stoljeća, od onog vremena kada je BiH ušla u sferu orijentalnog kulturnog uticaja sa dolaskom Osmanlija. Svi gradovi koje su Osman-

Mogli bi kazati, koliko je Baščaršija bila aktivna, odnosno, uspješna u finansijskom smislu, toliko je kompletan grad hajrovao, tj. razvijao se kao finansijski i kulturni centar BiH, pa i šire. Kada bi koja nedaća zadesila čaršiju to se je automatski odražavalo na čitav grad. Upravo ovo kazivanje najbolje govori o važnosti sarajevske Baščaršije i o tome zašto je baš ona Baščaršija.

Sarajevska Baščaršija, po mnogima, od vjkada je bila najmarkantniji dio grada Sarajeva. U njoj i oko nje smješteni su najvažniji objekti (institucije) ovog grada, grada koji je već u XVI stoljeću proglašen

ugostiteljstvo (Morića-han, a nekada bijaše i Kolobara-han i Tašli-han) i brojni drugi ugostiteljski objekti: aščinice, buregdžinice, ćevabdžinice, kahve, čajdžinice, ali i mejhane jer ne kaže džaba narodna lirska pjesma: «Sarajevo, široko ti si. Baščaršijo, mamur ti si.». Oko Baščaršije bile su smještene brojne manje čaršije koje su nosile naziv po esnafu, onoj djelatnosti koja dominira njome, pa tako i danas imamo: Bravadžiluk, Kundurdžiluk, Kazandžiluk, Sarače, Ćurčiluk, Muđzelite, Aščiluk itd.

Glavna sarajevska čaršija, Baščaršija, oko sebe je sjatila niz manjih čaršija, kvartovalica s različitim djelatnostima, a svi oni zajedno su bili usmjereni na glavnu čaršiju (Baščaršiju) i po principu ljevka ulijevale se u nju i zajedno činile sarajevsku čaršiju, čaršiju u kojoj sve nalazi svoje mjesto samo ako poštuje već ustaljenu hijerarhiju koja nije zapisana, a uvijek je prisutna, nikada

Sarajevska Baščaršija

lijе osnivali, kako na temeljima srednjovjekovnih gradova tako i novi, imali su svoju čaršiju na kojoj se odvijao skoro sav javni život: trgovina, proizvodnja-zanatstvo, vjerski život, ugostiteljstvo i pružanje različitih vrsta usluga. Općenito kazano, bosanski osmansko-dobni grad ima u «središtu» čaršiju, a na «periferiji» stambeni dio (mahalu) koji je mirniji i u kojem nema buke koju proizvode različite vrste zanatlija koji su prisutni u čaršiji ili graje i vreve koja je uvijek prisutna tamo gdje čovjek privređuje i masovno se kreće. Baš takva čaršija, odnosno, čaršije, sa raznolikim zvukovima, bilo onim od čekića zanatlijskih ili glasova telala, trgovaca, prodavača simita (vrsta peciva), bozadžija itd. počela se razvijati još u XV st. u Sarajevu. Imalo je Sarajevo više čaršija, ali samo jedna je bila glavna čaršija u kojoj su svi participirali, odnosno, u kojoj su sve druge čaršije (manje) osiguravale svoju egzistenciju, a to je bila i još uvijek je Baščaršija. Ovaj prefiks baš je turskog porijekla i polisemičan je. U našem slučaju - Baščaršija kazuje da je riječ o glavnoj čaršiji.

Sarajevska Baščaršija ili glavna čaršija je od svog osnivanja (a to je ujedno i osnivanje grada) pratila razvoj, ali i stagnacije grada.

šeherom. Centralni vjerski i obrazovni objekti su u njoj ili uz nju (Begova džamija, Stara pravoslavna crkva, Kuršumlja medresa i Hanikah), kao i objekti za trgovinu (bezistani: Brusa i Dugi bezistan), objekti za smještaj i

izrečena, a uvijek kazivana, čaršiju u kojoj je sve heravo i nakrivo, a uvijek pravo i dostojanstveno, čaršiju u kojoj će se hamal i hećim naći na istoj vodi, vodi na Baščaršiji - Sebilju i istu milost i nafaku za sebe priskrbiti.



Načelnik Hadžibajrić domaćin Ivi Josipoviću na Baščaršiji




Behmen, Josipović i Hadžibajrić



Šetnja Baščaršijom

Načelnik Općine Stari Grad Ibrahim Hadžibajrić, gradonačelnik Sarajeva Alija Behmen i premijer KS Fikret Musić dočekali su 14. februara o.g. na Baščaršiji, hrvatskog predsjednika Ivu Josipovića, koji je boravio u jednodnevnoj posjeti Sarajevu. Nakon svečanog dočeka u Hotelu Evropa, delegacija je posjetila Muzej Sarajeva u Brusa Bezistanu, a društvo im je pravila direktorica Muzeja Sarajevo Amra Madžarević. Prije dolaska u Brusa Bezistan, praćeni brojnim novinarskim ekipama, te znatiželjnim građanima, gosti i domaćini su svratili do prodavnice

tucane kahve „RM“ gdje je vlasnik radnje Hajrudin Burek pojasnio Josipoviću kakva je to kahva i ko je pije. Nakon toga je delegacija posjetila kazandžijsku radnju hadžije Nasira Jabučara gdje je Josipoviću uručen prigodan poklon, a potom je hrvatski predsjednik popio smreku u Bosanskoj kafani „Tunel“ na Baščaršiji. Posljednje odredište na Baščaršiji bio je Muzej Grada Sarajeva. Večernje sate je ova delegacija, u malo proširenom sastavu, provela u restoranu „Kibe“, gdje im se, između ostalih, pridružio i visoki predstavnik u BiH Valentin Inzko.



Josipović upisuje utiske



Hadžibajrić i Josipović u Muzeju Grada Sarajeva